

# JUMP UP MAMARACHO DI CLUB CARIBE



ORANJESTAD(AAN)—Ariba e fotonan ariba e pagina aki por mira algo di e parada di Club Caribe, e jump up Mamaracho di diasabra anochi.

Mas o menos 200 hende a tuma parti na e jump up aki cu a sali pa 8 or exacto y a termina na Club Caribe un cuarto pa diez, unda despues tabata tin un fiesta y diferente eleccion di e figuranan di carnaval di Club Caribe.

Tres brassband a acompaña e parada aki, den

cual especialmente e disfraznan di spirito ala Ghostbusters a sobresali.

Miles di hende tabata ariba pia un biaha mas pa mira un jump up y por bisa cu aunque e jump up di Caribe no tabata mes grandi cu esun di Tivol of cu mas tanto disfraz, mescos cu e jump up di Tivoli el a anima esnan cu tabata mira e parada.

Ta ser spera sinembargo cu publico lo tuma ehemplo di e dos clubnan aki, pa ora cu tin e diferente jump upnan, pa nan participa disfraz, y especialmente ora ta papia di Old Mask parade, nan presenta cu disfraznan bieuw locual ta un bunita bista, especialmente pa turistanan cu ta bishita nos isla.



Apesar cu a cambia sitio di eleccion di reina infantil di Tanki Leendert y cu tambe a cambia fecha y ora, ayera tardi 3 or a tuma lugar e eleccion na Aurora Kleuterschool. Tabata tin un publico aceptabel pa e evento aki y JULAIKA KELLY a ser eligi como reina.

Su runnerup a resulta Julissa Kelly. Julaika a ser corona pa Sr. Hendrik Tromp di comision di mayornan di e school. Aki por mira e reina y su runnerup hunto cu Sr. Tromp.

Barata Barata Barata  
na  
**FIESTA TRADING**

NOS A CABA DI RICIBI MAS CU 400  
ARTICULO NOBO.

e.o.  
SUCU,  
SALU,  
LECHI POLVO,  
CUMINDA pa BABY  
PAMPERS,  
MOTOR OIL,  
DESENFECTANTE,  
ACE,  
MALTA,  
JUICE,  
CORNBEEF y  
TOMATI KEDCHUP.



Den Fergusonstraat net pariba di Prison